

## ЭРДЭНЭ РЕСУРС БАЯН ХӨНДИЙ АЛТНЫ ТӨСЛИЙН МЭДЭЭЛЭЛ, НЭГДҮГЭЭР УЛИРЛЫН ТАЙЛАНГ ТАНИЛЦУУЛЛАА

---

### Хэвлэлийн мэдээ

Халифакс хот, Нова Скошиа муж  
2020.05.19

Эрдэнэ Ресурс Девелопмент Корпораци (TSX:ERD; MSE:ERDN) ("Эрдэнэ Ресурс" эсвэл "Компани") нь 2020 оны 3 сарын 31-нд дуусгавар болсон нэгдүгээр улирлын санхүүгийн болон үйл ажиллагааны тайлан, Баян Хөндий Алтны Төслийн хөгжүүлэлтийн мэдээллээс гадна COVID-19 вирусний нөлөөллийн талаар мэдээлэл хүргэж байна. SEDAR болон компанийн вебсайт дээр байршуулсан 2020 оны нэгдүгээр улирлын санхүүгийн тайлан, үйл ажиллагааны тайлан ("MD&A" буюу "Удирдлагын хэлэлцүүлэг ба дүн шинжилгээ") нь энэхүү хэвлэлийн мэдээний салшгүй нэг хэсэг болно.

### Тодруулга:

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ: "Бид Баян Хөндий Алтны Төслийн эцсийн ТЭЗҮ болон Байгаль Орчин, Нийгмийн Нөлөөллийн Үнэлгээ ("ESIA")-г 2020 оны дундуур танилцуулахаар төлөвлөн ажиллаж байна. Эдгээр судалгаанууд нь урьдчилсан ТЭЗҮ-д тусгасан 3.7 г/т агуулга бүхий нийт 400,000 унц алт олборлох боломжтой өндөр өгөөж, бага зардал бүхий ил уурхайн төслийн төлөвлөгөөг илүү нарийвчлах болно.

"Бидний гол зорилт бол 2020 оны эцэст харьцангуй энгийн, бага зардал бүхий жилд 60,000 унц алт олборлох хүчин чадалтай үйлдвэрийн барилгын ажлыг эхлүүлэх билээ. Санхүүжилт болон бүтээн байгуулалтын шийдвэр гаргахаас өмнө тусгай зөвшөөрөл болон хөгжүүлэлтийн ажлын бэлэн байдлыг ханган, 2021 онд олборлолт эхлэх нөхцөлийг бүрдүүлэхээр төлөвлөж байна."

Мөн Петер Акерли үргэлжлүүлэн: "Баян Хөндийн төсөл нь ирээдүйн хайгуулын хэтийн төлөв сайтай Хөндий Алтны Дүүргийн шинэ нээлтүүд, хөгжүүлэлтийн суурь болно. Бид шинээр нээн илрүүлсэн Хар Морь ("Dark Horse") болон Алтан Нар төслийн геофизикийн ажил, гурван хэмжээст загварчлалыг хийж гүйцэтгэснээр ирээдүйд нөөцийг их хэмжээгээр нэмэгдүүлэх боломжтой хэд хэдэн хэтийн төлөв бүхий өрөмдлөгийн талбайг тодорхойлсон."

### 2020 оны нэгдүгээр улирлын онцлох үйл явдлууд:

#### Хөндий Алтны Төсөл – 100% Эрдэнэ Ресурсийн эзэмшил

- > 2020 оны дундуур танилцуулах Баян Хөндийн эцсийн ТЭЗҮ ("BFS") болон анхны инженерчлэл загвар ("FEED")-ын судалгааны ажлуудыг гүйцэтгэж байна.
  - > Төслийн 3 хэмжээст загварчлалын видео танилцуулгатай [энэхүү](#) холбоосоор танилцаарай.
  - > Геотехник ба ил уурхайн гидрологи: Ил уурхайн загварчлалд багтсан геотехник, гидрологийн загварчлалыг Roma Group боловсруулсан.
  - > Нөөц, уурхайн төлөвлөлт болон олборлолтын хуваарь: O2 Mining, Auralia Mining Consultants нь уурхайн төлөвлөлт, олборлох боломжит нөөцийг тодорхойлох оновчлолуудыг гүйцэтгэсэн. Уурхайн төлөвлөлт нь

- эцсийн ТЭЗҮ-д хамаарах зардлын төсөөллийг тодорхойлоход шаардлагатай гэрээт олборлогчдоос үнийн санал авах хүсэлтэд багтсан.
- > Гидрогеологи: Roma Group нь гидрогеологийн өгөгдөлд судалгаа хийж, боловсруулах үйлдвэрийн усны хангамжийг нөөцийн үнэлгээ хийсэн талбайгаас хангах боломжтойг баталсан.
  - > Металлург ба Боловсруулах үйлдвэрийн загварчлал: Blue Coast Research нь боловсруулах үйлдвэрийн загварын оновчлолыг гүйцэтгэхэд шаардлагатай цианиджуулах параметр, хүдэр нунтаглалтын дамжлагын өгөгдөл, нүүрсэнд шингээх, цэвэршүүлэх болон усгүйжүүлэх судалгааг нэмж гүйцэтгэсэн.
  - > Боловсруулах үйлдвэрийн загварчлал: 360 Global нь алт авалтыг нэмэгдүүлэх, олборлолтыг нэмэгдүүлэх, ус дахин ашиглалтыг нэмэгдүүлэхээр боловсруулах үйлдвэрийн загварчлалыг сайжруулан ажиллаж байна.
  - > Бусад дэд бүтэц; O2 болон Монголын зөвлөх байгууллагууд хамтран уурхайн үйл ажиллагааг дэмжих барилга байгууламжийн загварчлалыг гаргасан. Үүнд: эцсийн ТЭЗҮ болон Монгол Улсын холбогдох тусгай зөвшөөрлүүдийг авах шаардлагуудыг хангасан хатаалга, захиргаа, засвар үйлчилгээний барилга, уурхайн хотхон багтаж байна.
  - > Хаягдлын удирдлага: ATC Williams нь урьдчилсан ТЭЗҮ-ийн хүрээнд байгаль орчны болон нийгмийн нөлөөллийг бууруулах хаягдлын шинэлэг менежментийг хэрэгжүүлэхээр ил уурхайн болон үйлдвэрийн хаягдлын нэгдсэн байгууламжийн загварыг боловсруулсан.
  - > Худалдан авалт: Олон улсын болон дотоодын ханган нийлүүлэгчид, гүйцэтгэгчдийн үнийн саналыг хүлээн авч, тэдний танилцуулгыг хянах үнэлгээний явцыг эхлүүлсэн.
- > 2020 оны 3 дугаар сарын 5-нд Алтан Нарын ашиглалтын тусгай зөвшөөрлийг хүлээн авсан:
    - > Ашиглалтын тусгай зөвшөөрлүүд нь 30 жилийн хугацаатай бөгөөд ирээдүйд 70 хүртэл жилээр сунгах боломжтой тул Хөндий Алтны Дүүргийн судалгааг урт хугацаанд үргэлжлүүлэх боломж олгож байна.
  - > Sustainability East Asia компанийн боловсруулсан Байгаль Орчин, Нийгмийн Нөлөөллийн Үнэлгээ (“ESIA”) бэлэн болсон. Монголын Байгаль Орчинд Нөлөөлөх Байдлын Нарийвчилсан Үнэлгээ (“DEIA”) нь 2020 оны эхний хагаст олон нийтийн хэлэлцүүлгийг хийснээр эцэслэгдэнэ.
    - > Судалгаагаар орон нутгийн иргэд, ажилтнуудын нөхцөл байдал, бүс нутгийн цаг агаар, агаарын чанар, усны нөөц, замын хөдөлгөөн болон эдийн засагт үзүүлэх нөлөөллийг судалж, үнэлсэн.
    - > ТУЗ болон санхүүжүүлэгчийн баталснаар Байгаль Орчин, Нийгмийн Нөлөөллийн Үнэлгээний англи, монгол хувилбаруудыг 2020 оны эхний хагаст олон нийтэд танилцуулна.
  - > Барилга байгууламжтай холбоотой зарим голлох тусгай зөвшөөрөл, зохицуулалтын зөвшөөрлийг авсан.
    - > Ашигт Малтмал, Газрын Тосны Газар (“АМГТГ”) нь Баян Хөндийн Техник Эдийн Засгийн Үнэлгээг (“Mongolian Feasibility Study”) баталсан.
    - > Баян Хөндий ил уурхай болон холбогдох дэд бүтцэд шаардлагатай 100 га талбайн зөвшөөрлийг газар зохион байгуулалтын төлөвлөгөөний дагуу орон нутгийн удирдах байгууллага баталсан. Компани нь дэд бүтэцтэй холбоотой газар ашиглах зөвшөөрлүүдийг авсан.

## Хайгуул

- > 2020 оны 1 дүгээр сард Алтан Нарын 2019 оны 4 дүгээр улирлын хайгуулын хөтөлбөрийн үр дүнг зарласан нь өнөөг хүртэл зарлагдсан хамгийн сайн үр дүн байв:
  - > Алтан Нар – Нээлтийн Бүс: Өрөмдлөгөөр 17 г/т алтны агуулга бүхий 23 метрийн<sup>1</sup> интервал огтолсон бөгөөд үүний 7 метрийн<sup>1</sup> интервал нь 70 метрийн босоо гүнд 45.7 г/т алт, 93.4 г/т мөнгө, 1.54% хар тугалга,

---

<sup>1</sup> \*\*Интервалууд нь хэмжигдсэн зузаан (метр) болно. Бодит зузааны талаар тус бүрийн хэвлэлийн мэдээнээс танилцана уу.

- 3.4% цайрын агуулгатай байсан (TND-135) нь “Gap Zone” (“Завсрын бүсийн”) өндөр агуулга бүхий бүсийг тэлэв.
- > Алтан Нар – Нээлтийн Бүс: 12.2 г/т алтны агуулга бүхий 10 метрийн<sup>1</sup> интервал огтолсон ба үүний 2 метр нь 52.9 г/т алтны агуулгатай байсан (TND-134) нь “Gap Zone”-ийн хойд бүсэд өндөр агуулга бүхий эрдэсжилт байгааг баталснаас гадна 4.68 г/т алтны агуулга бүхий 10 метрийн<sup>1</sup> интервал (TND -138) нээн илрүүлсэн.
  - > 2020 оны хайгуулын улиралтай холбогдуулан шинээр нээн илрүүлсэн Хар Морь (“Dark Horse”) талбайн хайгуулын хөтөлбөрийг боловсруулсан:
    - > 2019 оны 4 дүгээр улирлын гадаргын хайгуулын хөтөлбөрийн үр дүн, хараат бус геофизикийн судалгаа болон 3D загварчлалын үр дүнгүүдийг багтаав

### Компанийн тухай

- > 2020 оны 3 дугаар сарын 31-нд дуусгавар болсон гурван сарын сүүлээр компанийн алдагдал \$1,041,990 кан.доллар байсан нь 2019 оны 3 дугаар сарын 31-ний \$516,687 кан.доллартай харьцуулахад өссөн үзүүлэлт байв.
  - > 2020 оны нэгдүгээр улиралд капиталжуулсан зардлыг хамруулсан хайгуулын зардал \$1,511,929 байсан нь өнгөрсөн оны мөн үеийн \$941,083-тай харьцуулахад өссөн үзүүлэлт. Энэ нь хайгуулын зардал буурч, Баян Хөндийн эцсийн ТЭЗҮ-тэй холбоотой техникийн судалгаа ба зөвлөх үйлчилгээний зардал нэмэгдсэнтэй холбоотой.
  - > Компанийн захиргаа, удирдлагын зардал (мөнгөн бус, хувьцаанд суурилсан нөхөн төлбөр болон элэгдлийг оролцуулахгүй) нь 2019 оны 3 дугаар сарын 31-нд дуусгавар болсон эхний гурван сарын хугацаанд \$296,330 байсан нь 2020 оны мөн үед \$304,746 болж өссөн байна. Энэ нь зохицуулалт, захиргааны зардлыг бууруулж, эцсийн ТЭЗҮ-тэй холбоотойгоор маркетингийн зардал болон ТУЗ-ийн гишүүний зардал өссөнтэй холбоотой.

### Хөндий Алтны Төсөлд нөлөөлөх магадлалтай COVID-19-ийн нөлөөлөл

Компани 2020 оны 1-р сарын сүүлээс эхлэн COVID-19 вирусний тархалтаас оролцогч талуудыг хамгаалах арга хэмжээний хүрээнд томилолтын хязгаарлалт хийж, зайнаас ажиллах нөхцөлийг бүрдүүлж, эрүүл мэндийн дэмжлэгийг Монголын болон олон улсын ажилтнууддаа үзүүлснээр бүх оролцогч талууд, үндсэн үйл ажиллагаагаа вирусний тархалтын эрсдэлээс хамгаалсаар байна. Нэгдүгээр сараас эхлэн Монгол Улсын засгийн газар орон нутаг, хот хоорондын болон олон улсад зорчих иргэд, бараа таваарын хөдөлгөөнийг хязгаарлаж иргэдээ вирусээс хамгаалах арга хэмжээнүүдийг үр дүнтэйгээр хэрэгжүүлж байна.

COVID-19 вирусний тархалт нь манай үйл ажиллагаанд хэрхэн нөлөөлөхийг урьтаж таамаглах боломжгүй ч одоогоор 2020 оны дундуур танилцуулах эцсийн ТЭЗҮ нь төлөвлөгөөний дагуу боловсруулагдаж байна. Мөн хөл хорионоос үүдэн зарим нэг төлөвлөгөөт ажил удааширч байгаа ч тусгай зөвшөөрөл болон хайгуулын ажлууд үргэлжилсээр байна. Компани үүссэн нөхцөл байдлаас эрсдэлд өртөж болзошгүй хэмээн доорх үйл ажиллагаанд онцгойлон анхаарч байна:

- > Эцсийн ТЭЗҮ: Эцсийн ТЭЗҮ-ийн хээрийн болон лабораторийн судалгаануудын ихэнх нь 2019 оны сүүл, 2020 оны эхээр дууссан бөгөөд одоогоор ихэвчлэн мэдээлэл боловсруулах ажлууд үлдсэн. Түүнээс гадна COVID-19-ээс үүдсэн худалдан авалттай холбоотой БНХАУ-Монгол Улсын хоорондох хязгаарлалтууд аажмаар цуцлагдаж байна. Зарим саатал, хүндрэлүүд гарч байгаа хэдий ч эцсийн ТЭЗҮ-ийн үр дүнг 2020 оны дундуур танилцуулах төлөвлөгөөнд өөрчлөлт орохгүй ба үр дүнг танилцуулснаас хойш 45 хоногийн дотор тайланг бүртгүүлнэ.

- > Тусгай зөвшөөрлүүд: Манай Улаанбаатарын баг саяхан Алтан Нарын ашиглалтын тусгай зөвшөөрлийг авснаар тусгай зөвшөөрлүүдтэй холбоотой ажил амжилттай урагшилсаар байна. COVID-19-ийн хүрээнд олон нийтийн цугларалт, уулзалтуудын тодорхой хязгаарлалттай байгаа нь Байгаль орчны нөлөөллийн нарийвчилсан үнэлгээг батлуулах зарим ажлыг удаашруулсан. Бусад тусгай зөвшөөрлийн ажлууд нь COVID-19 вирусний тархалттай холбоотой хязгаарлалтад хамааран, материаллаг нөлөөлөлд өртөхгүй.
- > Хайгуул ба хээрийн үйл ажиллагаа: 2020 оны 1-р сард танилцуулсан хайгуулын ажлын үр дүнд суурилан 2020 оны 1-р улиралд геологийн мэдээлэл боловсруулж төлөвлөгөө гаргах ажиллагаа хийгдсээр байна. 2020 оны хайгуулын улирлын өмнө шинээр нээн илрүүлсэн Хар Морь төслийн зураглал, геохими, геофизикийн хээрийн судалгаанууд хийгдэж дууссан.
- > Хөрвөх чадвар ба Санхүүжилт: 2019 оны 11 сард Эрдэнэ Ресурс нь Европын Сэргээн Босголт, Хөгжлийн Банкаас 5 сая ам.долларын хөрвөх нөхцөлтэй зээлийн санхүүжилт авсан нь эцсийн ТЭЗҮ-ийг боловсруулж дуустал төлөвлөсөн зардлуудыг санхүүжүүлэх боломжтой. Компани нь 2020 онд багтаан төслийн санхүүжилт татан төвлөрүүлэхээр төлөвлөж байгаа ч өнөөгийн зах зээлийн тодорхойгүй нөхцөл байдлаас үүдэн саатах эрсдэлтэй байгаа тул зардал хэмнэлт, болзошгүй нөхцөл байдалд бэлдэх, голлох хөрөнгүүдээ хамгаалах зэрэг арга хэмжээнүүдийг хэрэгжүүлж эхэлсэн.

## Хөндий Алтны Төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

2019 оны 10 сард Эрдэнэ Ресурс нь хөндий Алтны Төслийн техникийн тайланг (Хэвлэлийн мэдээтэй [эндээс](#) танилцана уу) танилцуулсан бөгөөд энэхүү техникийн тайланд Баян Хөндий ордын (“Bayan Khundii”) урьдчилсан техник, эдийн засгийн үндэслэл (“урьдчилсан ТЭЗҮ”, “PFS”) болон Алтан Нар ордын (“Altan Nar”) шинэчилсэн анхан шатны эдийн засгийн тооцоолол (“АШЭЗТ”) орсон болно. Урьдчилсан ТЭЗҮ-д Баян Хөндий, Алтан Нар ордын татварын дараах өнөөгийн цэвэр үнэ цэн (5% хорогдуулалт бүхий) (“NPV5%”) (алтны үнийг \$1,300 ам.доллар/унц байхаар төсөөлөхөд) тус бүр \$97 сая ам.доллар, \$24 сая ам.доллараар тооцоологдсон. Баян Хөндий ба Алтан Нарын дотоод өгөөжийн түвшин (“IRR”) нь тус бүр 42%, 90% гэж тооцоолсон. Урьдчилсан ТЭЗҮд 0-7 жилд Баян Хөндий ордыг ашиглах ба 3.73 г/т дундаж агуулга бүхий хүдрийг боловсруулж, жилд дунджаар 61,000 унц алтыг илээр олборлох, 7-10 жилүүдэд Алтан Нар ордыг ашиглан, 3.46 г/т дундаж агуулга бүхий хүдрийг боловсруулж, жилд дунджаар 48,000 унц алтыг олборлохоор төлөвлөж байна. Баян Хөндий ордод уламжлалт нүүрсэнд уусгах боловсруулах үйлдвэрийг байгуулахаар төлөвлөсөн. 2019 оны 8-р сард Баян Хөндий ордын ашиглалтын тусгай зөвшөөрлийг авсан бөгөөд компани нь төслийг олборлолтын шат уруу хурдацтай хөгжүүлж байна.

Анхан шатны эдийн засгийн тооцоолол нь урьдчилсан таамаглал бөгөөд зарим тооцоололд боломжит нөөц агуулсан. Боломжит нөөц нь урьдчилсан болон эцсийн техник, эдийн засгийн тооцоололд нөөц хэмээн багтаахад геологи, эдийн засгийн хувьд эрсдэл ихтэй. Эдийн засгийн үр ашиг багатай геологийн нөөцийг үйлдвэрийн нөөц, эдийн засгийн тооцоололд багтаахгүй.

## Мэргэшсэн этгээд (геологич) ба дээжлэлтийн протокол

Петер Далтон (Peter Dalton) нь Компанийн ахлах геологич (P.Geо, Nova Scotia) бөгөөд NI 43-101-т заасан мэргэшсэн этгээд ба урьдчилсан ТЭЗҮ, АШЭЗТ-оос бусад техникийн мэдээлэл, Баян Хөндийн эрдсийн баялаг, нөөцөөс бусад мэдээ мэдээллийг Эрдэнэ Ресурсийн зүгээс хянан баталгаажуулсан болно. Бүх дээжийг Улаанбаатар хот дахь Эс Жи Эс (“SGS”) лабораторид шинжлүүлсэн. Эс Жи Эс лабораторийн дотоод хяналт шалгалтаас гадна, Компани нь тусгай стандарт бэлдэц, хээрийн болон лабораторийн хуулбар, мөн хүдэржилтгүй бэлдцийг ашиглан дээжийн чанарын хяналт, баталгаажуулалт (“QA/QC”)-ын протоколыг гүйцэтгэсэн. Бүх дээжид алтны агуулгыг стандарт Хайлуулах аргаар (fire assay), бусад 33 химийн элементийг Индукцын хос плазмет спектрометрийн арга (Inductively Coupled Plasma Optical Emission Spectroscopy) ашиглан тогтоосон. 5 г/т алтны агуулгаас дээш агуулга илэрсэн дээжүүдэд алтны шигшүүрийн шинжилгээ (screenmetallic gold analysis) хийсэн ба энэ нь 500 г дээжний 75 микроноос бага байх 30 г бүхий 3 дээж болон 75 микроноос том байх хэсгүүдэд хийгдсэн алтны хайлуулах (fire assay) шинжилгээнүүдийн жигнэсэн дунджаар илэрхийлэгддэг.

Эрдэнийн дээжлэлтийн протокол нь (хүдэржилт болон чулуулгийн төрлөөс хамаарч) зарим нэг жижиг, хүдэржилтийн дараа үеийн чулуулаг болон хүдэржилтгүй боржинг алгассан, 1 эсвэл 2 метрийн интервалтайгаар, цооногийг бүтнээр нь хамарсан дээжлэлтээс бүрддэг. Дээжлэлтийн интервалыг чөмгөн дээжний гүний метр дээр үндэслэдэг ба геологийн хяналт эсвэл хүдэржилтээс хамаардаггүй болно. Бүх дээжийг чөмгөн дээжний гүний метр дээр үндэслэн алмазан хөрөөгөөр 2 тэнцүү хуваадаг. Хуваагдсан дээжийн талыг дээжний уутанд ялган авч дээжилдэг бөгөөд үлдсэн талыг нь дээжний хайрцагт үлдээн Компанийн Баян Хөндий дэх хээрийн ангид аюулгүй байдлыг ханган хадгалдаг. Бүх дээжийг нэг багцандаа 30 дээж байхаар хуваарилдаг ба багц болгонд стандарт бэлдэц, хүдэржилтгүй бэлдэц, лабораторийн хуулбар болон хээрийн хуулбар дээж буюу дээжийг 4 хуваан, 2-ыг нь 2 тусад нь дээжлэн хийж Улаанбаатар дахь Эс Жи Эс (“SGS”) лаборатори руу шууд тээвэрлэдэг. Тээвэрлэлтийг Эрдэнийн ложистикийн гэрээт компани Монруд ХХК гүйцэтгэдэг.

## Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 3 хайгуулын, 3 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт [www.erdene.com](http://www.erdene.com)-оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

## Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд COVID-19 вирусийн тархалтаас үүсэх компанийн үйл ажиллагаанд нөлөөлж болох нөлөөлөл, гуравдагч талын зөвшөөрлийг авах, эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

**ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.**

**Холбоо барих:**

Петер К. Акерли, Ерөнхийлөгч болон Гүйцэтгэх захирал

Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp-/>

YouTube: <https://www.youtube.com/channel/UCILs5s9j3SLmya9vo2-KXoA>